



Andikoako Andra Mari ermita

Aldaerak: Elizalde
Ahozkoa: Elizalde



43° 11' 10"

2° 35' 29"

Berriz Iruditan / T. Angoitia

Andikoako kofradiako ermita Ama Birjinari eskainia da. Eraikin bikaina da eta bere neurri itzelak parrokia baten antza ematen dio, ermita gehienak baino handiagoa da eta. Harlandu ederraz jaso zuten, XVI. mende hasierako estilo gotikoan. Euskal Herrian orduan egiten zen legez, gurutze ganga konplexuez estali zituzten dauzkan hiru tramuak. Eta barruak argitzeko, idi-begi biribilak eta leihoak usatu zituzten, batzuk zorrotzak eta beste batzuk, puntu erdikoak. Sarrerako arkua ere halakoa da, arku ojibalduna.

Oinaldeko korua, berriz, beranduagokoa da, 1598ko inskripzioak argitu bezala, eta oso interesgarria. Beste ermita gehienetan egurra erabiltzen bada ere, Andikoakoa harrizkoa da, eta lotura estilistiko zuzena dauka parrokiako koruarekin.

Ondoren gehitu zizkioten sakristia, kanpai-horma eta hegoaldera duen elizpea ere. Andabidea ere gordetzen du oraindik.